

Headline	Malaysia miliki bakat besar golf		
MediaTitle	Harian Metro		
Date	07 Feb 2013	Language	Malay
Circulation	324,097	Readership	1,981,000
Section	Arena	Color	Black/white
Page No	57	ArticleSize	159 cm <sup>2</sup>
AdValue	RM 3,278	PR Value	RM 9,834



# 'Malaysia miliki bakat besar golf'

**Sintok:** Pengarah Kejurulatihan Golf peringkat antarabangsa, Dean Hartman berkata, pelajar Akademi Golf Nasional berbakat besar untuk diketengahkan menjadi pemain golf profesional.

Katanya, bakat mereka perlu terus digilap dan diberi latihan lebih khusus bagi memantapkan permainan.

"Usaha dilakukan Universiti Utara Malaysia (UUM) khususnya Akademi Golf Nasional amat murni bagi melahirkan lebih ramai pemain golf berbakat untuk Malaysia.

"Malah program seperti ini juga penting untuk memastikan pelajar memiliki kelayakan akademik tinggi yang akan membantu mereka di peringkat profesional," katanya mengulas Kursus Pemantapan Permainan Golf anjuran Akademi Golf Nasional di UUM.

Wan Rosni Wan Chik, selaku ketua jurulatih golf pula menganggap kursus ini membuka ruang latihan peringkat tertinggi, yang menyaksikan latihan banyak menggunakan kekuatan mental dan cara sebegini hanya dilakukan oleh pemain profesional dengan mewujudkan simulasi permainan bagi setiap pukulan.

"Pelajar memberi maklum balas positif serta gembira dengan kursus yang dianjurkan dan ber-

“Usaha dilakukan Universiti Utara Malaysia (UUM) khususnya Akademi Golf Nasional amat murni bagi melahirkan lebih ramai pemain golf berbakat untuk Malaysia”

**Dean Hartman**

harap ilmu diperoleh dapat dimanfaatkan sebaik mungkin,” katanya.

Pada kursus itu, pelajar didedahkan dengan teknik latihan berprestasi tinggi serta didedahkan ilmu psikologi yang memainkan peranan penting bagi setiap pelajar mahupun atlet golf profesional.

Kekuatan mental dan psikologi pelajar membantu menentukan kejayaan ketika menghadapi situasi tegang pertandingan.

## FAKTA

Pelajar didedahkan dengan teknik latihan berprestasi tinggi serta ilmu psikologi seperti pemain golf profesional